

SCRIPT OF EVENING GOJRI NEWS BULLETIN 30AUG

1700 HRS

ایونینگ گو جری نیوز بلیٹن مورخہ 30 اگست 2025

یوہ آکا شوانی جموں ہے طارق ابرار تے نصرت چوہدری تیں خبر سُنو۔

HEADLINES

۱. قدرتی آفات نے پھرتیں جموں و کشمیر نا اپنی لپیٹ ما لے لیوے۔ ریاسی تے رام بن ضلعان مامٹی کھسکن تے بدل پھٹن گا واقعات ما 11 افراد ہلاک ہو گیا ہیں۔ بچاؤ کاروانی جاری ہیں۔ لیفٹیننٹ گورنر نے بچاؤ تے امدادی کاروائیاں گو جائزو لیوے۔

۲. پھسیاوا مسافراں گی مدد واسطے جموں تیں خصوصی ریل گڈی چلائی گئیں۔

۳. قومی شاہراہ NH-44 وی بند ہے۔

۴. جموں و کشمیر حکومت نے سیلاب کی وجہ نال ٹھپ بونی پانی کی سپلائی نا یقینی بنان واسطے علاقہ وار افسراں ناں نامزد کیوے۔

۵. محکمہ موسمیات نے جموں ڈویژن ما 2 ستمبر توڑی بارش تے گرج چمک گی پیش گوئی کی ہے۔ جو نیئر انجینئر سول امیدواران گوا امتحان خراب موسم کی وجہ نال ملتوی کردتو گیوے۔

CLOUD BURST /LAND SLIDE (BYTE)

شدید موسلا دھار بارش ناں نے جموں و کشمیر ما اک بار پھر قدرتی آفات ناں جنم دتو ہے جس کا نتیجہ ماجموں ڈویژن کا دو جڑواں ضلعان ما پیش آیا الگ الگ حادثاں ما پچھلا 12 گھنٹاں گے دوران 12 افراد ہلاک ہو گیا ہیں۔ ریاسی ضلع کی سب ڈویژن مہور گا بدرگراں ما مٹی گا بڑا تودا نے اک مکان نا اپنی لپیٹ ما لے لیو جس کی وجہ نال اک ہی کمر گا 7 افراد ہلاک ہو گیا۔ تے کھڑی ڈھلوان ما بنیو وو مکان ملبہ تلے دب گیو۔ اک بور واقعہ ما رام بن ضلع کی راج گڑھ گا دروپدا گراں ما بدل پھٹن نال 4 افراد کی موت ہو گئی۔ اک شخص اجاں وی لاپتہ ہے۔ امدادی کاروانی جاری ہیں اور انتظامیہ کی طرفوں ہنگامی صورتحال سنگ نمڑن کا اقدامات Byte کیا جا رہا ہیں۔ اس بارے گل کرتاں ایس ایس پی رام بن ارون گپتا نے مزید اس طرح کہیو۔

ان دلخراش واقعات ور لیفٹیننٹ گورنر منوج سنہا، وزیراعلیٰ عمر عبداللہ، نائب وزیراعلیٰ سریندر چوہدری تے دو جوا وزراء نے دونگا دکھ گواظہار کیوے۔ اک سوشل میڈیا پوسٹ ما لیفٹیننٹ گورنر نے دسیوے انہاں نے اعلیٰ حکام نال گل کی تے حالات گو جائزو لیو۔ انہاں گو مزید کہنو تھو جے بچاؤ تے امدادی کاروانی جاری ہیں اور متاثرہ افراد ناں ہر ممکن مدد چائی جارہی ہے۔

CM EVACUATION

وزیراعلیٰ عمر عبداللہ نے ضلع انتظامیہ تے آفات نال نمڑن آلی انتظامیہ نا نہ ہدایت دتی ہے کہ موقع ور موجود رہیں۔ 24 گھنٹہ نگرانی کریں تے خطرہ آلا علاقاں تیں لوکاں نا نہ وقت ورکڈیں تے متاثرہ خانداناں نا نہ فوری امداد تے ہر ممکن سہولیات فراہم کریں۔ انہاں نے متعلقہ محکماں نا نہ مزید ہدایت دتی کہ چوکس رہیں، قریبی تال میل رکھیں تے جاناں گا تحفظ واسطے ہر احتیاطی قدم چائیں۔

RAILWAY HIGHWAY

پھسیاوا مسافراں گی مدد واسطے ریلوے حکام نے اج جموں توئی اسٹیشن تیں 2 خصوصی ریل گا اعلان کیوے۔ ایک ریل دوپہر گا 3 بجے روانہ ہونی جہڑی لدھیانہ، نویں دہلی، گوالیار تے بھوپال گا رستہ تیں مہو جارہی ہے۔ دوجی ریل شام 5 بجے چھپرا واسطے روانہ ہونی۔ جہڑی لدھیانہ، مراد آباد، گونڈا، تے بستی BYTE گا رستہ تیں چلے گی۔ اس بارے مزید جانکاری دیتاں واں مہارنا نمائندہ نے اس طرح کہیو۔

اونگا، جموں سرینگر قومی شاہراہ لگاتار اج 5 ویں تہاڑے وی بند رہی۔ یاہ بندش 26 اگست نا ہونی شدید بارش تے مٹی کھسکن کی وجہ تیں لگی تھی۔ 2 ہزار تیں زیادہ گڈیں رستاں ما پھسی وی ہیں جس وجہ سنگ ایندھن تے ضروری اشیاء کی قلت پیدا ہو گئی ہے۔ بی آراو کی ٹیم دن رات کم کر رہی ہے تے امید کی جارہی ہے کہ رستو جلد ہی بحال ہو جے گو۔

UDH RELIEF VAN

ڈپٹی کمشنر اودھم پور، سلونی رائے نے امدادی سامان تین بھری وی ایک وین نانہ جھنڈی دس گے روانہ کیو۔ اس وین مانہ راشن تے ضروری اشیاء شامل ہیں جیہڑی چہینی، گا سیلاب متاثرہ خانداناں واسطے بھیجی گئی ہے۔ ڈپٹی کمشنر نے دسیو کہ یاہ امداد صرف ان خانداناں واسطے ہے جیہڑا حالیہ سیلاب کی وجہ تیں متاثر ہوا ہیں۔ انہاں نے مزید کہیو کہ مختلف ٹیم زمینی سطح ور مسلسل کم کر رہی ہیں۔ تاجے نقصان گوجانزو لیو جاسکے تے موثر امدادی تے بحالی کا اقدامات نانہ یقینی بنایو جاسکے۔ ذرائع ابلاغ سنگ گل Byte کرتاں واں ڈی سی اودھم پور سلونی رائے نے اس طرح کہیو۔

اونگا، ضلع انتظامیہ چنی تے کسیرہ پنچایتاں ما 40 خانداناں ناپناہ تے کھان کی اشیاء فراہم کر رہے ہے۔ اے ڈی سی، پریم سنگھ نے متاثرہ خانداناں گو دورو کیوتے انہاں نانہ یقین دہاتی کرائی کہ امدادی تے Byte بچاؤ آپریشن جاری ہے۔ آکاش وانی غا خبراں آلا شعبہ سنگ گل کرتاں واں انہاں نے اس طرح کہیو۔

WATER DISRUPTIONS

بھاری بارش تے اچانک آن آلا سیلاب گے باعث کئی علاقہ ماپانی کی سپلائی متاثر ہوئی ہے۔ اس بارے جموں و کشمیر حکومت نے بر علاقہ مانہ افسر مقرر کیا ہیں، تاجے پین گا پانی کی فراہمی نانہ یقینی بنایو جاسکے۔ ایک سرکاری حکم نامہ ماکہیو گیو ہے کہ بحالی گو کم ترجیحی بنیاداں ور جاری ہے تے متاثرہ عوام واسطے عارضی انتظامات کیا گیا ہیں۔ شہریاں تیں کہیو گیو ہے کہ فوری ضرورت کی صورتحال مانہ اپنا علاقہ غا مقررہ افسر ناں رابطہ طور کریں۔ حکام نے عوام تیں تعاون کی اپیل کی ہے۔ تاجے پانی کی سپلائی نا جلد بحال کیو جاسکے تے مشکل وقت مانہ عوامی ضروریات پوری کی جاسکیں۔

WEATHER EXAM

محکمہ موسمیات نے پیش گوئی کی ہے کہ جموں صوبہ گا کئی علاقہ مانہ دوستمبر تیں ہلکی تے درمیانہ درجہ کی بارش پین گو امکان ہے۔ اس دوران کجھ ضلعان مانہ گرج چمک گے نال بھاری بارش پین کی توقع ہے۔ شہریاں نانہ ہدایت دتی گئی ہے کہ محتاط رہیں تے خاص طور پر ان علاقہ مانہ ضروری احتیاطی تدابیر کریں جت پانی بھرن تے مٹی کھسکن گو خطرو ہے۔ حکام موسم ور قریبی تیں نظر رکھیاوا ہیں تے عوام کی حفاظت نانہ یقینی بنان واسطے بروقت معلومات فراہم کر رہیا ہیں۔ اس نانہ مدنظر رکھتاں واں جونیئر سول انجینئر غی نشست واسطے امتحان جہڑو پہلاں 31 اگست نانہ ہونو تھو، اس نانہ 7 ستمبر واسطے ملتی کیو ہے۔ ایک حکمنامہ گے مطابق نویں تاریخ گو اعلان علیحدہ تیں کیو جے گو تے امیدواراں نانہ مشورہ دتو گیو ہے کہ باقاعدگی نال بورڈ کی آفیشل ویب سائٹ چیک کرتا رہیں۔

ITOO EDUCATION

وزیر تعلیم محترمہ سکینہ اتونے کشمیر صوبہ مانہ 458، استاد تے دفتری سٹاف، غی پرموشن غوا اعلان کیو ہے۔ سماجی میڈیا ور، معلومات سائٹ کرتاں، وزیر نے کہیو کہ یوہ قدم حکومت غی تعلیمی شعبہ نانہ بہترینان کی کوشش گو حصو ہے۔ انہاں نے مزید دسیو کہ باضابطہ ترقیاتی احکامات جلد جاری کیا جیں گا۔ یوہ قدم انتظامیہ کارکردگی نانہ بہترینان تے حوصلہ نابلند کرن مانہ مددگار ثابت وے گو سکینہ اتونے ترقی پان واسطے تمام ملازمین نانہ نیک خواہشات گے نال مبارک باد دتی تے تعلیم گا شعبہ مانہ ان کی خدمات نانہ سراہیو۔

PM MKB

وزیر اعظم نریندر مودی ملک تے بیرون ملک رہ رہیا بھارتی شہریاں سنگ پلک یعنی 31 اگست نانہ آکاش وانی ور من کی بات پروگرام مانہ اپنا خیالات سانجہ کریں گایاہ موہوار ریڈیو پروگرام کی 125 ویں قسط وے گی۔ یوہ پروگرام آکاش وانی، دور درشن، اے آئی آر نیوز، ویب سائٹ تے نیوز آن اے آئی آر، موبائل ایپ ور نشر کیو جے گو۔ اس تیں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات کی وزارت گا یوٹیوب چینلاں ور وی براہ راست نشر کیو جے گو۔ آکاش وانی اس پروگرام کی بندی نشریات تیں فوراً بعد اس نانہ علاقائی زبانان مانہ وی نشر کرے گو۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع جموں گا پسٹیک وین تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفترجموں یا اس تیں 10 کلو میٹر غادانرہ غے اندر رہائش پزیر وے اس سلسلہ مانہہ درخواست غی بارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ 31 اگست 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔www.newsonair.gov.in
